

倚聲初集

倚聲初集卷十一

武進鄒祇謨程邨

全選

新城王士禎阮亭

武鄉程康莊昆侖叅閱

中調一

臨江仙 第四體

錢塘懷古

魏大中

埋沒錢塘歌吹裏、當年却是皇都。趙家輕失此雄圖。江山如許，大不用一錢沽。只有岳王泉下血，至今流作西湖。可憐故事眼中無。但供儂醉後囊句付奚奴。

阮亭云想見血性

壽王喬峯

徐標

桂子月中開遍了、東籬菊映窗紗、小、溪、流、水、半、胡、麻、此、間、三、島、  
近、何、處、五、雲、賒、緱、嶺、聞、笙、吹、不、徹、輞、川、絕、勝、仙、家、何、須、勾、漏、  
覓、丹、砂、好、耽、十、日、飲、莫、負、九、秋、花、

詞致  
句雅

憶舊

秦士奇

春、睡、懶、懶、生、怕、起、如、癡、如、醉、如、慵、半、垂、半、捲、舊、簾、櫳、眼、穿、芳、草、  
綠、波、襯、落、花、紅、追、憶、巫、山、魂、夢、斷、爲、雲、爲、雨、爲、風、淒、淒、江、上、  
數、歸、鴻、悲、鳴、三、兩、陣、離、緒、萬、千、重、

阮亭云以  
疊字見態

和晁無咎韻

熊文舉

却、憶、章、門、三、月、暮、湘、簾、宿、雨、初、收、落、霞、低、處、棹、歸、舟、江、波、風、捲、

立吹動古今愁。往事不堪頻矯首。畫眉斜月微鉤。可能開上  
小紅樓。花光迷晚霽。草色媚芳洲。

江波二句  
詞中壯語

和賀方回韻

憶得當初行樂地。玉樓人貌翩翩。凌雲賦就意飄然。科名宜晚  
進。文采重芳年。春色不知人事改。垂楊垂柳堪憐。舊家燕子  
傍誰邊。孤燈殘雨後。短笛落花前。

阮亭云得意之境追思  
便成悵惘往往然矣

憶

不見芳姿知幾日。低徊又隔輕客。海棠開盡綠陰濃。雨沉金屋。  
暗風斷玉簫空。苦欲留春無計策。青門車騎匆匆。君看流水  
各西東。畫樓人倦眺。銀燭已燒紅。

阮亭云聲音激楚  
如聞桓伊之笛

小春

陳子龍

西風料峭黃花暮。斜陽一角紅樓羅衣添得又還休。銀蟬寒指  
甲寶鴨暖藏鈎。忽憶軟金杯自捧重携殘燭淹留於今玉漏  
漫悠悠不知千里夢無柰五更愁

每讀江離檻詞令人息闕字之想

春慵

吳剛思

花露滴香吹夢散宵寒似有如無火留三分煖金爐曉光紅奪  
燭慵態玉凝酥。欲問淺深花色艷夜來鶯睡如初可憐春半  
事俱疎悶多情便損嬌細步來徐

當令杜陵內史  
以慧心寫之

咏春潮

李雯

一曲畫橋春水急綠帆遠掛斜陽。誰家艇子近垂楊杏花新雨

後初浴兩鴛鴦。暮暮朝朝來信准。教人無奈橫塘新愁恰與。

此平量價隨明月上更弄柳絲長。

咏水鄭谷詩落花相逐向何處幽鶯獨來無限時韓

喜詩滿湖月浸千年色夢澤燈含萬古愁  
令人融作春潮所謂爲君更作斷腸流也

川蠶字韻和吳仙菴居

錢 茶

桐院深深秋影滿。奚囊好寄禪龕。降園修竹倚牆南。徑花遲小。  
落俾蘇護來殷。磬語鐘啼方寂寂。又聽雨打清潭。涼雲片片  
宿深山。孤亭招放鶴。小帳冷冰蠶。

藥泉茶雷翠蠟紅鬚  
幽景中自有艷致

秋懷

宋徵輿

春暮幾時秋。又暮年年月。月朝朝帶圍不認舊時腰。西風還有  
意偏傍鬢雲飄。昨夜依稀是三五。誰人憐得清宵。銀蟾當日

慣相邀祇今愁絕處寒雨泣芭蕉

喀覽道人這回裙帶不認那迴腰宗丞以一語盡之

### 小春

紅葉落時秋盡也空山千里雲平人煙幾點亂天晴一灣流水  
急平塋夕陽明月滿枯林霜滿地西風過處無聲碧雪樓上  
坐調箏冰絃嬌火鳳玉指放春鶯

西風過處無聲善寫寒况

### 有贈

曹爾堪

可怪儂家香不散吳衫到處提攜我方擬似恐難齊自然真味  
在芳牕正填臍又是碧雲纔一挽鴟鬟壓耳猶低遙知年可  
及垂筇春宵經夜雨未解作悲啼

自然真味是生香真色証解

劉墨仙移榻梅花巷用錢爾斐韻簡寄

君在梅花和尚墓。想應讓與君龕。梅花栽在墓之南。老僧消受得。日日誦華嚴。快聚夜深愁客散。惟留月影空潭。曉來卧看壁頭山。惜花手病酒。乃是再眠蠶。

阮亭云蕭  
灑自喜

初夏清溪閒泛

十畝之間新霽色。愛看桑者閒閒。扁舟歇處野蒿繁。小橋蝌蚪黑。急水隊魚斑。我羨村家風味美。脩然茅屋三間。柳陰泥溼麥泥乾。曉鶯新識路。飛去又飛還。

僕在嚴陵寶華洲有詩云  
春漲滿方塘。金堤濕遊履。

菜園蛺蝶飛。麥田蛭蚪作。  
以擬學士正恐小不氣盡

湖上遇游客漫賦

問是誰家游冶子。風流真箇無雙。兩行紅袖對銀缸。千金全不



惜春色果難降。慢卷湖船憐小。孤山眉引入高窗。偷攜鸚鵡

浴平江。玉鈎藏細柳。記奏隴西腔。

風神  
俊邁

### 游女

程光祿

嫩草嬌香風未度。艷聲點破蘋洲。三三兩兩趁春遊。含情搔玉

導。沾酒上蘭舟。不語弄花花不語。丟花一會凝眸。紺峯還鎖

去年愁。遙憐疎竹裏。有美獨凭樓。

阮亭云。爽光嘗呼余王桐。花只余郎似桐。花妾似桐。

花風之句也。今亦欲以蘋洲相贈如何。

### 泛柳

周挺

萬頃蒹葭波浩渺。出林孤塔擎天。鷺鷥衝破夕陽烟。人家秋水、  
上漁舸。晚風前。乘興去來忘近遠。棹歌款乃紛然。吳王故壘

落霞邊忽飛明月上襟袖拂冰蟾

阮亭云九峯三  
鼎便如在日

閑思

黃承

疑雨依稀還未雨空階一抹蒼苔孤煙片片欲飛來似隨風影  
去復越曉鶯回怪殺鷓鴣啼不住珠簾捲捲慵開薄情何處  
暗相猜今年楊柳月舊日菊花盃

阮亭云寫  
景縹緲

有所思

王宗蔚

畫閣輕烟催綠燕水晶簾外風飄紅粧悄立紫雲橋寒塘新雨  
後花近碧樓高羅幙新添愁幾許斜暉半映鮫綃隔庭深翠  
鎖芭蕉蓮房人影靜無計獨吹簫

正是客心愁絕處誰家紅  
袖倚高樓此詞逼真樊川

風致

春景

陳謀道

春到江南芳草綠、垂楊搖曳池塘、畫樓遲日照新粧、半簾花霧、  
濕十里燕泥香、倚遍闌干人未至、數枝紅杏斜陽錦帆何日、  
下瀟湘、情隨流水遠、夢逐曉雲長、

宋子京紅杏枝頭春意開  
一闌字何等費力此却

川陰字自  
然雅雋

坐雨

孫以鐸

遙岫饑雲愁未散、茶烟半濕空濛、聲滴倅綠蕉叢、一簾榆莢、  
雨幾陣藕絲風、窗貯膽瓶花霧暗、午衙不放黃蜂、苔錢添碧、  
襯殘紅、芹泥融燕壘、灘樹掛魚筒、

以此傘州柔綠蒿添梅子  
雨淡黃衫耐藕絲風正復

不減

夏景

華 袞

十里菱荷香暗送。槐陰池館涼生。白團小扇惹風輕。碧紗人靜。  
悄花氣壓釵橫。又是黃昏新月上。銀華斜抱閒行。空庭彈出  
斷腸聲。流螢飛四壁。清漏徹三更。

龍眉廣陵詩人其詞  
清婉彷彿竹屋蘆川

秋景

鐵馬乍驚秋欲老。寒蛩催落梧桐。半黃橘柚雨濛濛。關干溫欲。  
暖羅袂。起西風。雁素魚純音信斷。隔江愁殺芙蓉。夜闌獨自  
對簾櫳。銀河千里月。綺閣一聲鐘。

阮亭云半黃句可  
匹人烟寒橘柚

調粉餌飼金魚

吳守槩

搖漾半潭花影重。文魚來往如梭。風吹細縠縐雙蛾。浮萍纔斷。

處春水接秋波。採取玉簪調粉，何無心錯污輕羅。殷勤織指

向低柳，喚郎驚影散，匿笑故斜睨。

春水接秋波  
天然巧語

蝶戀花

一名鳳樓梧

又鵲踏枝

黃金樓

一蘿金

七夕

吳宗達

高柳鳴蟬聲暫歇。院宇微涼，螢火明還滅。靈鵲銀河橋已結。黃  
姑織女經年別。纔把離情今夜說。嗟嗟金雞，又早來能舌。好  
事天邊猶欠缺。人間瓜果空陳設。

文端以大手筆作小詞蕭  
渾自然如葉石丞諸作

柳絮

俞彥

芳樹年年春色換。飛絮粘空，總被東風喚。金繭玉蛾寒食半永。  
豐坊裏。天涯畔。香地銀篝蘭燼散。雁柱生塵，側力鵲弦斷。一

縷情絲千種亂并州快剪裁難斷

與升菴咏柳作伯仲

相思

張一如

帆上西風橋下水也自良緣常戀儂船尾只有離人猶殢此漫  
漫一望空千里 蘆葉披靡青不止行盡青青烟浪還何似水

歇風微蘆葉死可能泊在蘆花裏

阮亭云誦前段便有對此茫茫之意

用前韻

花隔玻璃塘外水如近還遙燕燕涎涎尾離別誰云纔自此夜

魂一枕江南里 欲託鴻書中又止和淚題情題了情難似玉

藕細蓮霜後死意兒常守蓮心裏

飛燕尾涎涎漢成帝時童謠

阮亭云來初嘗論那

孟貞寄陳伯璣詩白下窮交幾人在南州孺子一書來以爲屬對未工蓋其詩律之嚴如此偶附記之

和蕭竹屋

熊文舉

海棠烟濕東風軟。記得當時絮語朱欄畔。燕子未歸空目斷。惜花又過春多半。何處樓臺翻玉管。明月當頭那解傷心怨。已是風鬟雲鬢亂。推牕莫遣嫦娥看。

阮亭云新建詞不矜奇闢麗猶有晏氏父子之遺

愁來

吳鼎芳

絲鳳啣書迷雨幕。長短紅亭種就相思樹。却把曉陰成靚霧。東飛蝴蝶西飛絮。媛玉青團金粉曙。驚地愁來怎便央他去。明日春光南浦路。啼鵲相見還相妬。

文友詞云不愁怎得光陰過同是無聊險語

送春川趙栗夫韻

龔鼎孳

簾外遊絲飛去了。打疊閒愁斷送啼鶯曉。一曲畫闌銀月小。蛾

床人倦殘春香。生怕金鈴催宿鳥。叫過三更月與花都少。斜倚博山幽恨悄。雙眉做就堆煩惱。

如百鍊水晶針。將連理線貫同心。花總無凡縷。可入

### 湖上春雨用吳修蟾倦繡韻

宛轉朱欄。共倚薄倦微寒。小坐香肩比乍聽。曉鶯啼夢裏。海棠又濕鸚哥嘴。柳外蒨桃流漲水。黛淺頻潑雨。過千峯矣。瘦損落花擎不起。春來一味愁而已。

末句是情語。不嫌其盡。

### 閨情

王彥泓

睡思恹恹。鶯喚起。藤捲西風。猶未懂梳洗。眼細眉長。雲擁髻。笑垂羅袖熏沉水。媚態盈盈。閒舉止。只有江梅清韻。能相比。笑問檀郎。詞內意。芳心透出眉尖喜。

後段慧心如見此舊作詩。酒琴棋歌舞地。獨饒賞鑒。



鬪草

馬振飛

拾翠尋芳穿野道。幽樹深叢處處啼黃鳥。滿掬青青紅漸少。紫  
藤筐外花鬚裊。嫩綠如茵粘碧草。選葉搜枝石上鋪多少。鬪  
罷羸輪香繚繞。玉人羸得微微笑。

孝廉與配繡君唱和妍雅宜其曲悉閨趣如此

春閨

陳子龍

紫燕香泥歸畫棟。捲上簾鈎楊柳籠烟重。牕外曉鶯啼一弄。飛  
花只有東風送。錦瑟瑤琴都不動。倦倚闌干白日耽幽夢。金  
鴨微溫紅袖擁。芙蓉半掩鞋頭鳳。

白日耽幽夢是刻骨情語

春曉

纔與五更春夢別。半醒簾櫳偷照人清切。簡點風鞋交半折。淚

痕落鏡紅明滅。枝上流鶯啼不絕。故脫餘綿，忍耐寒時節。慵把玉釵輕綰結。恁移花影窗前歇。

阮亭云筆思纏綿如吳蠶作絲

### 落葉和舒章

金井雕欄蛩語歇。獨上空階，簌簌驚羅襪。滿院西風人影絕。亂鴉啼斷寒枝月。今夜霜華樓外滑。一曲屏山，遮過燈明滅。幾陣紗窗聲不輟。夢中又到愁時節。

能得景物神處又在平淡巧麗之外

### 偶見

裊裊花陰羅襪軟。無限芳心，初與春消遣。小試嬌鶯纔半轉。海棠枝上春風淺。一段行雲何處剪。掩過雕欄，送影湘裙展。隔著亂紅人去遠。畫樓今夜珠簾捲。

阮亭云如讀會真雙文諸詠

春日

雨外黃昏花外曉。催得流年有恨何時了。燕子又來春漸老。亂紅相對愁眉掃。午夢闌珊歸路杳。醒後思量踏遍閒庭草。幾度東風人意惱。深深院落芳心小。

阮亭云雨外花外從何分別妙正索解人不得

落葉

李 雯

慘碧愁黃無氣力。做盡秋聲。砌滿欄杆側。疑是紗窗風雨入。斜陽又送棲鴉急。不比落花多愛惜。南北東西。自有人知得。昨夜小樓寒四壁。半堆金井霜華濕。

阮亭云落花多柔艷之調落葉饒淒戾之音正如昔

人所云春游天台秋游雁宕耳

風情

荳蔻枝頭紅粟小。半盤雲鬟。却是傷春了。幸得玉樓香未杳。人  
間有信傳青鳥。聞說柳梢青渺渺。一剪橫波。如對瀟湘曉。爲  
語東風吹蝶早。教人著意憐芳草。

阮亭云與三閭大夫誰與  
玩此芳草玩字憐字各妙

著意  
尤妙

### 春閨

韓純玉

繡幙低垂淡院靜。殢酒矜花。又是前春病。乍暖乍寒渾不定。風  
風雨雨清明併。女伴相呼穿翠徑。小立牕前。好待新粧竟。拭  
却紅綿重照鏡。傍人也道都相稱。

比遙將宜稱問  
傍人更饒身分

### 春思

單恂

暖入西園紅紫閃。青粉墻頭。無賴鴛兒。探翠幙沉沉香斗淡。綉

針膏把春愁。寶鏡慵窺。影暗不見眉尖。只覺心情厭。若  
到相思銷得。欠羅衫。怎被啼痕占。

灼灼以紅綃寄淚  
又分却羅衫矣

秋怨

菊蕊青青。楓葉裊。簾度新寒。整頓重陽了。玉鏡香蛾。慵不掃。天  
涯只是歸期杳。風約鴻聲樓外小。悶倚雕欄。訴與征鴻悄。錦  
字空傳。郎意少。帶將錦字還。儂好。

阮亭云風約鴻  
聲何處得來

春去

孟稱舜

碧草穠烟春日暮。畫檻雕船。載酒歸南浦。春望不來來又去。多  
情祇爲情擔誤。輕把流華愁裏度。膩綠嬌紅。轉眼皆塵土。花

謝一春誰是主。玉關界斷江南路。

阮亭云子塞與卓徐齊名  
所爲桃花人面諸劇可以

緩步臨川如此風  
調故非時流所及

秋閨

宋徽興

寶枕輕風秋夢薄。紅欵雙蛾顛倒垂金雀。新樣羅衣渾棄却。猶尋舊日春衫著。偏自斷腸花不落。人苦傷心鏡裏顏。非昨曾

誤當初青女約。祇今霜夜思量著。

着字直畧切與著異

衣不如新又翻一解

落葉

昨夜江南無數樹。帶月兼霜做了。連宵雨。簌簌送他秋夢去。紅樓一枕斜陽暮。不寄天涯腸斷句。高下飄飄自向前溪舞。星角窗前無定處。西風着力何時住。

帶月兼霜二語如聞撼撼之聲在樹間欲出

春閨

楊柳梢頭金粉重。簾慢無情，却被東風送。蝶影半穿花影動。日陰停午人如夢。紅雨滿階春色擁。一縷晴絲，付與飛鶯動。斜背粧臺心半忪。菱花只照釵頭鳳。

一動字覺遊絲春鶯俱活

### 曉別

日影微微生遠浦。雙夢初醒，款乃驚遙櫓。幾度喚來嬌不顧。淚珠點點輕輕度。眠穩玉床人自去。忽又教迴重見，分離苦。惟有相看無一語。人間天上銷魂處。

阮亭云：艷情至此是首楞嚴矣。

### 秋夜

王庭

夢斷驚寒眠不穩。霜氣淒淒，逼得羅幃近。滿院細蛩吟舊恨。紙窗斜月依微盡。秋入傷心珠淚隕。一寸羈愁，散作千般悶。清

夜徬徨閒復論。遙遙蓮漏消殘燼。

秋入傷心四  
字真搜悲語

### 恒陽署中齋次

別館人閒愁眺聽。幾曲門深鎖住西風冷。留得方庭天一頃。斜陽樹樹添彩影。牆外轆轤聞汲井。乞得新泉夕爨分。薺茗一縷烟生寒色暝。十年舊事心頭省。

雅澹清新自有靜觀之妙

### 題茜谿齋壁

曹爾堪

小小荒廬圍綠水。門外清陰近植桃。兼李古道不須留。姓氏負薪識是隣家子。笑問隣童曾識汝。屈指東邊著第三家是一擔束芻挑乍起。晚炊看出茅簷裏。

阮亭云甚似陶淵明王摩詰之于詩

### 秋暮



一把黃茅新蓋屋。簷角低低。爲避西風。蕭欲向東籬。重繫菊荒園。所得湘君竹。蟋蟀寒吟。聲不足。楓樹垂丹。還有些兒綠。九月霜痕。融似玉。空堦。迸下紅榴肉。

阮亭云可續  
幽風一則

### 尋夢

陳舒

試夾羅衣寒尚悄。紫霧團烟。月在藤花曉。推枕起來還睡倒。欲尋去夢程多少。活水春塘行遍了。山逴斜陽。疎雨深芳草。虛綠搖魂天杳杳。醒來人與春同老。

似蘇子由  
夢游仙時

### 薄倖

賀裳

聽罷吳歎入薄醉。小玉扶歸。不卸梳粧。睡零落垂珠花幾穗。鴉翎散亂金釵墜。薄倖貪看忘擁背。短夢驚回。何事相迴避。亂

挽雲鬟粧半膩挑燈無語垂清淚

齊衾兩設楚簟雙離似轉情集半寡賦中語

### 薄暮

薄暮銀蟾風色靜閒倚雕闌自賞娉婷影一簇芙蓉相掩映  
墜花落處游鱗競女伴潛呼渾未省橫睇迴波纔訝紅粧並飛  
盡殘霞天又暝柳梢笑指新懸鏡

阮亭云如置身影娥池畔

### 春閨

周季琬

樓外絲絲烟似織無數梨花芳草嘶金勒羞着飛飛雙比翼雲  
和欲奏冰絃澁衫薄不堪寒意逼誰弄輕陰一片雲翻墨往  
事低徊猶在臆海棠開遍香無力

似爲海棠無香翻一解

影落中庭花欲午蝶瘦蜂忙翻出新愁譜獨倚雕闌人不語晴

絲無力隨風舞。睡起枕紋猶半露。香玉紅生似把啼痕補。還笑腸聲無底據。春歸畢竟歸何處。

阮亭云望帝有知如何作答

金陵用舊韻

鄧漢儀

庭樹空花開遍了。唱遍鶯喉一夜春難曉。牋繡被牙床香夢小。羽書邊馬沉沉杳。擒虎突來驚夢覺。如此銷魂天上人間少。脂冷鬢低心事悄。官家自古多煩惱。

阮亭云汝陰王生生世世不願生帝王家正同此意

離情

秦淮依舊來桃葉。粉腕詩瓢送過重陽節。檻外蘆花千點雪。沙棠自載王家妾。自是鴛盟難妥貼。朔馬并刀浪把烟花曳。咫尺離愁都未說。燈前空守同心結。

阮亭云看燕燕送歸妾妾字并佳

卜居和楊孟載韻

徐士俊

借問閒身何處住。山近西湖水向鴛湖去。綠萼梅花栽幾樹。捲

簾放箇鶯啼處。人在樓中堪伴侶。半架圖書兩對嬌兒女。貧

裏光陰晴亦雨。日邊紅杏何年許。阮亭云如此清福那易消。受人在樓中兩對嬌兒女。

又非和靖梅妻  
鶴子所及矣

微雨

龔百藥

細軟荷絲搖素練。小夢初圓閃得人難見。想爲秋來天意健。西  
風故故將他捲。纔入爐烟微過霰。霧障花叢醉眼真難辨。潤  
逼琴絲涼逼硯。何曾重暈湘妃扇。

寫微雨殊有空  
濛杳靄之致

春閨

許肇篴

雨。餞。雲。郵。春。去。矣。燕。嘴。泥。香。暗。度。疎。簾。裏。底。事。玉。樓。人。未。起。淚。  
紅。染。透。雙。鴛。被。約。腕。金。環。空。自。委。花。瓣。無。情。盡。日。隨。流。水。喚。  
到。侍。兒。何。處。使。鞦。韆。架。外。尋。梅。子。  
墳友暮年蕭瑟以縱博死  
善作金丸玉枕之曲讀其  
年一傳真欲  
爲之流涕

遣春

計南陽

扇底桃花傳一縷。小夢初溫。又聽三更雨。明日柳綿吹幾許。落  
紅今夜偏無主。只爲留伊留不住。分付鶯鶯散盡東風路。一  
曲陽關天欲曙。未來又是銷魂處。  
夢圓時酒醒後思  
量著是何如境界

除夕

畫閣初回燈路早。絳曲銀床。此夜歡多少。金鴨晚消香霧杳。新

裁寶枕芙蓉小。銀箭催人容易老。爲語霜華珍重。堦前草。七  
曲屏圍春夢悄。玉鱗風外吹清曉。

數斗霞膏自是天外青質  
○阮亭云草堂而兼花間

之妙

雁

作客傷心君太早。叫盡寒枝依舊眠。芳沼送得秋霜春。又老江  
南。此恨留多少。也自有情常草草。錦字羈迷倚遍闌干香夢  
轉金微。天未曉。數聲猶似遼西道。

後折逗入閨  
情唐人風致

鏡

金鞍一別垂楊候。萬里清光照去還盈手。獨鳳自描春影畫。更  
無人倚粧臺後。莫道朱顏渾似舊。連夜相思。可信今朝瘦點

點波痕猶在否模糊盡是傷春皺

一作幾番別  
去重回首

咏物至此直  
與大樽齊名

### 送別

魏允枏

萬里陽關人獨去。馬北車南。那得留君住。楊柳絲絲垂弱縷。無  
端遮斷長亭路。此後憑誰爲寄語。珍重丁寧。莫使音書誤。細  
把歸期着意數。天涯極目連朝暮。

筆筆  
宕折

### 初夏贈友

龔賢

辜負看花開醉眼。久雨初晴。新綠枝枝徧。堤上垂楊搖綺線。黃  
鸝飛過分明見。自展方床桃竹簟。愁是多閒。晝永人先倦。流

水小橋看素練。年年吊古隋家苑。

梁公狄簡半千云佳畫須  
密于無天曠若無地賴此

以過殘夏讀此詞亦覺  
涼風拂拂生几席間也

春閨

王宗蔚

桐院深陰花影暮。半捲湘簾。小燕飛還度。繡幕輕寒高玉露。池  
塘落葉驚棲羽。烟景茫茫籠碧樹。檢點雲鬟無意歌。金縷試  
問晚風愁幾許。亂鴉啼斷西江路。

阮亭去讀雲間諸君詞  
如讀西崑十六體詩

西園

吳啓思

畫閣回廊低曲曲。一水斜臨。界破鐘山足。雨過青莎春似沐。硯  
池借得三分綠。塘下橫飛雙屬玉。拂柳縈烟。亂把湘紋蹴。半  
雨半晴春斷續。楊花到底無拘束。

阮亭云春斷續妙  
無春字卽庸語耳

良夜

黃永

庭院西風良夜靜。小小春

風滿地。霜華飄不定。空



天踏遍飛鴻影。往日相思閒記省。梵宇雕闌有箇人兒並笑。  
拍香肩呼不應。薄綿不耐黃昏冷。

艾菴宋于京也此  
半臂心寒人語

夜泊桐廬鷺鷥村

葉奕苞

月小山高三兩客。手弄桃花各有真顏色。造物能容吾輩僻。江  
山零落如殘奕。正欲眠時天又白。無數閒鷗相與期。潮汐共

倒接。羅看遠碧。春雲遮却春歸迹。

村中謝鼻羽隱處  
與友人爲汝社

阮亭云  
江山零

落如殘奕七字一部十七史  
在內令人增感○汝社甚新

古刹

陳霆萬

竹院何年荒廢矣。一片殘碑留得前朝記。壁上畫龍鱗欲翫五  
更風雨疑飛去。寺後烟蘿空滴翠。塵積香臺佛也容憔悴。扛

杖出門花滿地老僧悟却西來意

阮亭云迦葉微笑拈耶

和卧子咏落葉

盧元昌

銀雨廉纖深院落排演秋聲樹樹驚蕭索滿眼飄零今異昨斷腸人在梧桐閣金井霜寒啼暮雀小立黃昏人影楓燈薄紅藥題殘垂繡幕戰袍夢斷遼西約

阮亭云虎關女郎秋閨夢戍詩無此蒼涼

雲間別蒼水

彭孫遹

黃鳥開關啼不住寒食清明陣陣桐花雨幾日西窗深夜語微吟每到銷魂處圓泖潮生西日暮三老長年抵死催人去執手高樓輕別取錦牋空贈相思句

阮亭云僕贈十郎詩風塵燈寒共帝城銀河小院語

平明讀西窗二語卽

昔日情事宛然日前

和漱玉詞

王士禎

涼夜沈沈花漏凍。欹枕無眠。漸聽荒雞動。此際閒愁郎不共。月移窗罅春寒重。憶共錦綢無半縫。郎似桐花。妾似桐花鳳。往

事迢迢徒入夢。銀箏斷絕連珠弄。樂府合歡詩寢共無縫。注

文說鈴云王阮亭有桐花詩長安稱爲王桐花豈卽謂此詞耶。鄭鵬揚不得端美於前矣。○僕最愛王仲英學繡青衣艱刺鳳自把金鍼代補翎毛空之句天然神俊不數易安及讀阮亭郎似桐花二語不覺叫絕昔卓珂月以太白後主易安爲三李名齊今卽以仲英阮亭爲二王自堪並垂天壤。○余有屏提道人畫扇乃仲英所作阮亭自號亦同因舉以贈之。附記于此。

和少游

啼碎春光鶯燕語。一片花飛。又是天將暮。欲乞放晴春不許。黃

昏更下廉纖雨。春去應知郎去處。好。春。光。共。向。郎。邊。去。且。  
竟春歸人獨住。淡烟芳草千重路。  
柔柔一縷  
無微不入

閨思

曹爾垣

午睡人扶鬆兩鬢。倦轉青牕。獨自春多恨。偶踏苔階剛有印花。  
陰。辨。辨。無。三。寸。細語花前香半暈。爲甚低頭反怕鸚哥問憶。  
昨日高和夢近。東風樹樹紅成陣。  
故是  
宋詞

幽會用李後主韻

沈謙

半夜瑤階細步避月隨。花雨送巫山暮。說道防閒難久住。未。  
明須放奴回去。漸漸花陰和月度。帳暗更深。嚙袖低低語。千。  
萬莫忘封絳縷。明宵候你原來處。  
以擬南唐真有  
色飛魂絕之妙

春暮

朱 謐

紫陌風光看又度。芳草芊芊惹下愁無數。輕暖輕寒三月暮。香車開遍西陵路。枝上苦梅剛豆許。春色三分半逐游絲去。解下金鈴貪鳥語。流鶯浴盡殘紅雨。

夢紅浴碧雅舊可餐

秋日遊仙都

毛 概

獨向仙都尋往跡。山鳥呼名慣聽如相識。水到窮時諸籟寂。路逢轉處孤峰窄。霜染楓林紅一色。日暮無人脆葉飄。行客馬上臨風三弄笛。落霞斜掛青山碧。

阮亭云是霞上人語

春聞

陳維松

芳草萋萋人脉脉。綠遍東西不空南。和北滿院春晴無氣力。海

棠樹下捱時刻。惆悵去年逢玉勒。酒市花橋此際曾相識。在  
事不堪重憶得。飴簫陣陣催寒食。

阮亭云南北東西所謂但取錯綜便成名筆傷簫二

語亦是

絕唱

### 偶感

着意銀床花露泫。爲問東風此去何時返。惆悵小樓風力軟。菱  
花莫道芳心淺。昨夜鶯聲花裏散。幾抹雕牆似有殘霞展。樓  
上輕紅纔一轉。玉人依舊連天遠。

阮亭云末二語非臨川不能

### 閨情

朱 輅

十里西陵楊柳渡。紫陌風光何事留難住。借問落花餘幾許。蒼  
苔點破前宵雨。兩兩鴛鴦沙上聚。無限含情芳草王孫路。紅

豆初開春漸暮惱人最是相思樹

阮亭云贈君多采擷此物最相思既惱人又采擷耶

楊花

支毓祺

陌上晴光紫別轡撩亂飛花細碾香毬碎引蝶無端春意醉  
賺人幾點天涯淚  
蘭帳衾寒閒不寐  
曳曳縈縈故上羅衣袂  
纔向波紋萍作隊  
東風依舊勾來墜

比章蘇諸咏楊花詞繁簡各有勝地

茉莉

宮弘宗

良嶽當年行樂處珠萼冰蕤移自炎州路  
韻比江梅宜帶雨芬飄山牖偏迎露  
絕愛佳人臨日暮笑摘芳菲斜把鸞釵度  
綉枕間香香半吐餘香猶挽絲籠護

良嶽八花蕙心純質永麗居一自然馨逸

書相如傳後

鄒祗謨

相如不過書生耳。爭似文君。麻透奇男子。却自琴心通綠綺。飄飄賦就。凌雲氣。不是題橋雄蜀水。財守王孫埋沒。文人矣。薄倖茂陵多一聘。白頭吟罷。相如死。

聘字不川韻

阮亭云爲風流放誕人寫照阿堵

### 後庭宴

同五弟過余山

孫紹祖

手撥閒雲。亭懸山曲。松陰轉午。家家綠應門。此日却無人笑。呼雙鶴。迎賓熟。披帷共坐。烟霞一望。亂峯如簇。樵歌漁遠。往往資幽。獨樹暗鳥。窺簾徑。涼風弄竹。

中有康道人。不滅林君。復放鶴時也。

釵頭鳳

一名折紅英

又清商怨

効放翁體

賀裳



人初瞑風吹省喚郎不覺推郎醒音沉沉天應曙黃耳將惺綠  
鸚私覷去去去驚相應疑還聽羅衣著罷窺芳徑來難遇歸  
無遠銀燭雖殘銅壺猶注任任任

最是五更留不得向人枕  
昨着衣裳是此去去任任

### 錯認

卓人月

濃于霧涼于雨春愁不比郎相負風何惡雲何薄今朝相棄昔  
年空約諾諾諾人無緒書無據  
瑟然一日簾前遇欣還愕疑

還度容顏雖似手神難學錯錯錯  
度入 三個諾字中許多懶  
散三個錯字中許多

急遠一緩一急畫得儼然○詞筌云人每喜用此調率無作  
者難于三疊字不牽綴耳刊月詞後半新警處幾遇放翁不  
惟無愧而已

攤破醜奴兒 一名一剪梅二體

小語脂香襲

鄒祗謨

幽歡久待蘭缸歛。嬾繡鴛鴦。嬾說鴛鴦舌。唾酣紅淡海棠。知麼微怒也。問檀郎。含嬌半胸。纔私語。輕度丁香。輕嚙丁香。秘密風情在。畫眉知麼。微笑也。問檀郎。

阮亭云宋大夫云頰薄怒以自持毛詩云巧笑之瑳

常嘆其措語工絕不意都爲程邈收拾錦囊中也

唐多令

一名糖多令

得家信

沈同治

一幅細緘愁。三番淚掩眸。怕人窺。拆處先偷看了。重溫重又省。却揉碎。揉成闌。幾夜夢粧樓。冷烟綃帳秋。怪春來果見離愁。儂亦有愁緘。不得伊。試到夢中遊。

流利便易誦不留戶

寒食

陳子龍

碧草帶芳林。寒塘漲水深。五更風雨斷遙岑。雨下飛花花上淚。吹不去。兩難禁。雙縷繡盤金。平沙油壁侵宮人。斜外柳陰陰。回首西陵松柏路。腸斷也。結同心。

雨下飛花花上淚。比葛震父橋上飛花橋下水更自。

傷情落花諸咏紛紛掃盡

雨思

單恂

簾院午陰長。櫻桃慘徑香。便清明晴了。何妨燕帶濕紅來。上壘花瘦也。猛思量。除是好韶光。柳條能繫將。軟青絲。鬆得春忙。換却短帆。拖着雨芳草外。醉鵝黃。

阮亭云。雲間之有尊僧。正如唐詩中之李才江。

寒食

宋徵輿

柳陌半晴陰。春潮烟外深。玉梨初受薄寒侵。踏盡江南寒食路。  
雲漠漠。雨沉沉。寶梳擁香衾。鴉鬟壓鳳簪。曉風清露拂瑤岑。  
記得那時花信也。如夢裏。到而今。驟觀似無佳處。  
細思自不可及

三月十日道中處處桃花屋角棠梨尤孤韻可喜適扇

頭有斬州袁九詞因和之

顧澹生

春樹正逢春。年年三月新。賺漁郎片片迷津。到處太平村落也。  
休錯認。是逃秦。屋角水之濱。棠梨一樹勻。別紅粧獨自丰神。  
虧煞桃花能不妬。越顯得。這清真。  
如晉賢草體虛澹  
蕭散此爲至妙

春愁

陳維崧

蟬鬢隔花陰。香肌壓翠衾。風前一笑擲千金。記得那時明月底。

剛半絲露丹襟。銀鑰香沉沉。朱樓阻信音。流鶯啼破綠窗深。  
清淚未彈紅淚滴。流不了。到如今。

風前句所謂俗語雅用鍊字之妙如此

初秋

吳綺

涼入葛衣鬆。斜陽疊亂紅。簾影外。蟬語匆匆。乾鵲排橋看又過。  
零落盡。藕花紅。愁極轉成慵。黃花怕與逢。舊江山。恨煞吳儂。  
巷口烏衣城上柳。能幾日。是西風。

阮亭云。園次工爲小賦。雋過庾鮑。此亦哀江南之流。

秋泛

黃京

乘興泛扁舟。蒼茫萬里秋。聽孤鴻。嘹唳如愁。極目丹楓遙映處。  
葭水上。濕紅浮。寂寞斷磯頭。芙蓉倚淺流。聽漁歌。又起清謳。  
一幅畫圖粧點好。應不讓。暮春遊。

寫秋景說似春遊。便覺淡冶在目。

蘇幕遮 第一體 一名殢雲愁

清明

陳子龍

冷風尖。清夢杳。柳蕩花飛。總爲愁顛倒。鈎鞍斷腸無一了。細雨連天。排演黃昏早。繡原長。青塚小。重問幽泉。可照紅裳曉。地下傷春應不老。香魂依舊。嬌芳草。

阮亭云鈎鞍排演四字是大樽故作狡獪處○末二

語賦宮人  
斜絕妙

咏枕

晚粧新羅帶。繞纔到黃昏。付與愁多少。支盡淚痕。天不曉得。傍香雲。夜夜金釵小。繡幃深。銀燭香殘。月疎更有夢。何時了一角無情。裝疊早。連宵在。惹多情惱。

如無意咏物細思之一字更易不得

春曉

計南陽

翠桐高。丹鳳小。春水初生。乳燕依人早。岸落薔薇風悄悄。香剪芙蓉。細炷金鵝鼻。銀箭表紅蠟。縹流水落花。雁柱青鶯遶。唱斷柳梢殘月曉。牡丹亭外。雞聲香。

妍艷之餘  
情恰幽遠

繫裙腰

秋晤

毛羽宸

嫣然一見各相憐。青衫影。稱花鈿。愁多更覺眉如剪。夢不成眠。聽落葉。噪鳴蟬。蘇大風流蘇小面。消瘦得。兩難看。莫教瘦骨還加減。欲訴無言。應知別後是秋天。

蘇大蘇小天生對  
偶自是詞中佳料

倚聲初集卷十二

武進鄒祇謨程邨

全選

新城王士禎阮亭

通州陳世祥散木叅閱

中調二

錦帳春

畫眉

陳子龍

黛角新調。紅潮凝。滋早斜對菱花半轉。壓明波橫翠鈿似巫山。  
不遠。朝雲初卷。纖角勾稜同心細。偃。嘆此地悲歡未辨。河濃。  
添。仍淡掃。問愁來幾件。亂他深淺。未二語與畫眉深淺。  
入時無各有至處。



前題

宋徵輿

綠嶺雲新明波秋早。試點出遠山峯小。鏡中人。斟酌定看餘青。  
未了。不須重掃。卓女遺妝。張郎留稿。別染就一家風調。粉蛾  
輕。初月淡。問筆尖繚繞帶愁多少。

餘青未了。是何麼。  
憑欄望絳仙時。

前題

陳維崧

楊柳低梢芙蓉暈臉。早斜倚流蘇翠幃曉時。明鏡裏似春山  
乍遠。碧霞初偃。翠巾勻稜紫霞浮漣。正此際芳心頻弄。壓星  
眸。侵綠鬢。看愁深黛淺。如何消遣。

善偷陳宋語意。  
是盜狐白裘手。

一剪梅

咏燕

陳子龍

剪側輕風翠尾流。雨點梨花捲上簾。鈎。可。曄。誰。語。到。芳。洲。訴。與。  
情。人。分。得。紅。樓。壘。就。新。巢。自。在。遊。來。便。傷。春。去。又。悲。秋。玉。窗。  
重。見。舊。風。流。前。歲。多。愁。今。歲。多。愁。

傷春悲秋  
天然妙語

別意

李 雯

紅蓼秋深白鷺飛。半啓歲華。幾。懶。畫。眉。芙蓉初落水平池。記得。  
來。時。不。見。來。時。樓。外。催。寒。暮。角。遲。月。滿。金。徽。人。近。羅。帷。雁。行。  
無。字。寫。相。思。妾。意。君。知。君。意。難。知。

淡處能耐人思  
是舍人獨得處

秋思

單 恂

白藕花殘葉半黃。蠅。又。嘶。忙。蛩。又。啼。忙。簾。星。滴。滴。漏。初。長。賣。弄。  
新。涼。生。受。新。涼。那。道。而。今。轉。斷。腸。路。也。茫。茫。信。也。茫。茫。酒。前。

詩後好。恹恹倒爲秋光。甚麼秋光。

酒前詩後如何分。別覺更倒置不得。

別意

宋徵輿

天暮江雲一帶寒。幾陣輕風。無數青山。畫船獨立到更闌。霜滿人。關月滿人間。往日匆匆今日閒。到得將忘。忽又多端。千林烟路不禁看。若要愁還除是君還。

霜滿二語意似青楓白露時作也。

咏燕

雙影翩翩畫閣中。簾底分飛。花下相逢。呢喃如訴舊巢空。尚未春深。何事匆匆。勾引新雛柳岸東。約掠芙蓉。翠尾分紅。一年芳信倩君通。來是春風。去是秋風。

末二句同劉後村解宜春詞移以咏燕更生神雋。

○阮亭云故是英雄所見畧同

戲贈會生

吳惟修

伊人宛在水中央。花愛春鄉月愛秋鄉。年時千里不持糧。楓落吳江湖落錢江。紅樓十二聽新腔。昨夜蕭娘今夜韋娘。揮毫動掣衆山慙。琴說嵇康書說長康。

殊有晉人風味

將適山陰宿西興

黃承聖

羅剎江邊認客舟。辭却湖頭宿却江頭。半規新月正當樓。水自東流火自西流。雲散魚鱗暝色收。風映蘆洲月映蘆洲。越王臺畔鷓鴣愁。昔日曾遊今日重遊。

水火句偶然得巧不客強覓對仗

詠柳

夏復

無限傷心夕照中。故國淒涼剩粉餘紅。金溝御水自西東。昨歲

陳宮今歲隋宮。往事尋思一餉空。飛絮無情依舊烟籠長條。短葉翠濛濛。繞過西風。又過東風。想殷仲文嘆枯樹時寄興不淺。

理繡

曹爾堪

襖開五色上衣裳。抽引針長。抽引絲長。養娘新配淺深粧。紅處思量。白處思量。多情已戒繡鴛鴦。蜂又雙雙。蝶又雙雙。誰描花樣使人傷。並蒂蘭房。並蒂蓮房。如仇實父寫生殊有髮翠毫金絲丹縷素之妙。

旅夜

曹爾堪

城上啼鴉咽曉風。過了昏鐘。又度晨鐘。紗窗花氣半朦朧。星影連空。月影橫空。一夜相思有萬重。聽盡飛鴻。多是孤鴻。夢魂常遶楚雲峯。綺樹春紅。錦樹秋紅。以常顧菴應有火攻之目。

輕舟

黃永

布帆斜掛木蘭舟，身坐輕舟心悟虛。  
舟心悟虛舟槐陰風動忽驚秋，天似  
初秋人比殘秋。傷心何處最高樓，十二紅樓十四青樓，年年

行李寄他州，薄倖揚州飄泊蘇州。

阮亭云昔人詩十年一覺揚州夢，又滿天梅雨是蘇州。

川單詠之尚自  
魂銷況並舉耶

雪阻義井

滿地飄殘六出花，道似楊花疑是梨花。  
多才麼和屬誰家，謝是詩家李是詞家。  
少年羈旅若飛花，酒泛桃花曲奏梅花。  
醉看何事足名家，大武黃家大俠朱家。

阮亭云絕勝卓荦淵之表在劉家，策在孫家。

畫眉效弇州體

黃京

輕。勾。微。抹。兩。重。山。畫。裏。春。山。鏡。裏。春。山。雙。波。疑。佇。兩。重。山。水。浸。  
春。山。月。浸。春。山。真。珠。斜。揭。見。遙。山。不。是。眉。山。却。似。眉。山。白。雲。  
飛。出。滿。遙。山。望。斷。眉。山。蹙。損。眉。山。

阮亭云弁州何山一闕有  
虛虛寔寔之妙初子又後

來居  
上矣

和漱玉詞

王士禎

雁。語。金。塘。水。漸。秋。遙。聽。菱。歌。不。見。菱。舟。望。君。何。處。最。消。魂。舊。日。  
青。山。恰。對。朱。樓。九。曲。長。江。天。際。流。似。寫。相。思。難。寄。新。愁。夢。魂。  
幾。夜。可。曾。閒。鶴。子。山。頭。燕。子。磯。頭。

前段寫秋思最  
是淡迤緬邈

酒闌歌示程邨

董以寧

與。君。詩。酒。兩。相。干。座。有。紅。于。尊。有。青。于。湘。蘭。不。並。草。軒。于。山。鳥。

刑于山花友于。夜闌聯袂鼓綿于舞罷神于吹罷茵于徐徐  
卧去覺于于一石淳于一夢淳于。紅于妓名青于酒也出衍元  
記軒于舊草出相如賦白詩  
野鳥山花吾友于綿于曲名徐徐句出莊子神。阮亭云山  
于秦俠士舒章劍茵于笛名淳于一覓一勞  
花友于暗用協妻鶴子。鳥刑于山  
事二淳于雙壁忽令

如詞

慣得相携花下游。蘇大風流。蘇小風流。而今別况冷于秋。燕去  
南樓人去。西樓。等閒平判十分愁。儂在心頭。卿在眉頭。少年  
心事總悠悠。一曲揚州。一夢蘇州。天巧極人工錯○  
阮亭云二蘇恰好

和漱玉詞

彭孫通

萬疊青山一抹秋。天半歸雲。天外歸舟。何時玉席手重携。同拂



香巾同上朱樓。南浦寒潮帶雨流。只送人行不管人愁。吳天

極目路逶迤。海湧峰頭薛殿湖頭。古詩香巾拂玉席共郎登樓。寢虎丘山一名海湧峯。

遊方怨

閨情

葉世倌

粧未了。日初生。菱花眉暈小。蘭葉鬢雲橫。簾通烟篆。曉痕平。寶

釵斜墜。膩無聲。春漸老。帶圍輕。簷鵲頻偷報。應知闌草。麝薰

長無事。理銀箏。困人疎雨在長亭。諸葉此從能詩復有孝標諸妹競譽天人三詩六筆

幾令古人讓席

人讓席

漁家傲

春暮

陳子龍

九十韶華如夢短。染紅搓綠，隨深淺。賺得那人愁欲斷。金不管。  
數聲啼鴂風前散。倚遍玉樓無計款。問春此去誰爲伴。明歲  
芳菲依舊滿。君莫算。未來先怕難消遣。  
縱任自在但  
覺妍冶少匹

咏雪

李 雯

半啓朱扉寒粉面。騰騰更愛燈前見。簾外玉梅香近遠。羅襪淺。  
盈盈踏破銀泥軟。淅淅雕欄風力短。清光又照黃昏院。怯把  
鴛針穿。綵線愁。婉轉玉樓人共金鳬爓。  
咏物者稱香雪艷雪  
此則咏雪自有香艷

塞上

孟稱舜

數點紅旗斜照水。千群牧馬連天起。古道長河殘照裏。心欲碎。  
黃花滿地征人淚。三月天南歸雁未。上林隻字憑誰寄。烟樹

茂陵家萬里。風景異。飲將悶。酒城頭睡。

風景宛然。阮亭云。破訥沙頭拂雲堆上。

如聞北風

代馬之聲

漁父

陳世祥

未識晚烟紛似絮。濤牙嚼雪。扁舟度。網得魚兒。菱葉覆。呼阿婦。  
村中沽酒將錢去。半醉歸來。船倚樹。大江多少風波路。阿婦  
向前叉手訴。君休誤。風波除却。何方住。  
阮亭云。此夫此婦。何必鹿門接輿耶。

雪夕

董斯張

修竹青青。渾若換。惱人庭下。梨花亂。一夜顛風吹不斷。停針緩。  
硯池冰合。琉璃盃。閃入紅樓飛蝶滿。蕭條打遍。牕紗畔。雪也。  
多情還等件。鴛衾短。香奩怎。賽人兒暖。  
雪未消者。選料。爲等件雪。佳雋。

秋日過村家小集予舊隣也

曹爾堪

紅蓼灘邊頻弄槳。農家舴艋如錢。蓋郭外清溪流更廣。時蕩漾。  
船輕不怕黏天浪。欸乃一聲何處唱。我來茅屋開新釀。柴關  
烏柏遙相向。雞黍餽月明已掛霜。蓬上。

頗似麋道人山居諸  
咏而風味新俊過之

八月

八月秋晴剛過半。欲招桂馥。舊雨牽幔。晴日不寒還不暖。鴻新見。  
爲尋舊渚頻頻喚。近結食。丘壑遮客館。輕黃蝴蝶隨人散。飄墜

梧桐花砌亂。閒尋看菊英。欲吐東籬畔。

顧菴善作景語禽蟲  
飛蛺蝶入詞中便如

徐熙邊鸞寫生點染茅一相云畫  
花竹禽魚者古不如近於詞亦然

漁父

尤侗

天下滔滔皆是也。風波滿地。江河假鼓。柁行歌。君莫訝。誰知者。  
離騷。莊子。吾其亞。一尺蓬舟。雙槳打。綠簑青笠。人如畫。潑刺。  
黃魚穿柳掛。收綸罷。提壺開共樵夫話。

太白賦蜀道  
難同一感慨

春歸

龔賢

昨日落花今日掃。落花掃遍人先老。又是春來添懊惱。如何好。  
前村沽酒青錢少。披衣日上寒窗早。夢中怕向邯鄲道。又見。  
青青窗外草。兒童道。謝家原上鴛鴦來了。

阮亭云似壺  
山居士語

江上阻風

吳啓思

雲滃江空寒日暮。潮頭驚盡沙堤樹。一霎峭風遮晚渡。翹首去。  
背人屬玉先飛去。小艇沉沉迷白霧。半拖烟水欹牕戶。儂欲。

訴愁愁怎訴。閒凝竚。杏花影裏春山路。

未語淡中  
有麗致

### 咏邦江女子

閻修齡

畫鎖紗窗紫碧霧。瓊花自是無雙樹。並蒂嬌姿憐解語。經行處。  
花鈿暗識修眉嫵。畫閣肩隨朝復暮。閒情時咏遊仙句。奔月

化烟留不住。天風度。飛瓊自挽雙成去。

再彭自序云廣陵有  
老儒學生二女子媚

娟相倚。雅好文墨。別時並處不能辨。以香炙面爲識。或成年  
訛傳掖庭之選。因舍卒歸。二少年一居城一居湖中。嫁同口。  
後借有娠。復同病而卒。常見戴生所寫夢遊圖。姿態  
絕艷。知爲好女子也。因作二詞以俟後之憑吊者。

### 采蓮

陳維崧

欸乃數聲羅襪濺。碧雲微映相思面。誰啓畫樓臨水岸。珠袂掩。  
淡黃楊柳芳心淺。好風吹得湘紋亂。玉河寂盡消朱汗。船上

青燈天色晚。人去遠。濛濛十里紅綃捲。

阮亭云讀其年詞往往如柳毅初入龍宮

心目

都別

黃鶴樓邊漁艇

董以寧

孤蓬漁艇烟中駕。晴川自寫吳綾帕。漁子不知身是畫。呼婦罵

問錢昨夜存多寡。網得巨魚驚又詫。復呼阿婦歡然話。黃鶴

樓邊閒去耍。沽酒罷歸來。月上山頭乍。

同一漁父善百寫得開達文友寫得矜淺

畢竟烟波釣徒而外漁家亦不免。利習謝無逸雨條穿鯉。霜刀落鱸。昔人謂其冷中有熱。殊不寂寞。試與此詞參之。

新愁

韓范

花落不堪芳草路。杜鵑長聽聲如訴。獨上畫樓無意緒。人何處。年年春向梢頭去。烟外綠楊悲日暮。白雲天半愁無數。清夢

悠悠迴雁路。憑君住小園。一夜梨花雨。

末語  
檀場

本意和漱玉詞

王士禎

南湖西塞花如霧。我歌銅斗樵青舞。醉後放舟忘處所。鳬陽語  
覺來已是烟深處。蒲葉藕花相映暮。援琴更鼓瀟湘句。曲罷  
月明風葉舉。誰同住。琴高約我蓬瀛去。  
琴辛提陸用  
以和李甚奇

定風波

和書屏

李元鼎

把酒花前樂事多。世間能得認真麼。金盞幾傾憑燕賞。堪想關  
情莫惜醉顏酡。秉燭屏開絃管亂。試看湘簾微隔。夜如何。檀  
板輕敲香篆裊。縹緲閒庭一曲奏新歌。

前輩風流  
故自任達



納涼

尤侗

不着衣衫不掃粧。薰風寂寂怯斜陽。安得芳姿乞作婢。喚至手  
將團扇扇王郎。却羨摩訶池上路。行去花梢口吸露珠涼。攜  
手歸來羅篋睡。枕臂玉魚吐出口脂香。

標新領異勝  
廣銷夏一書

杏花街紀事

陳維崧

歌謠吹彈百不憂。嬉春人逐少年遊。紫荒人家玉蕤酒。知否人  
生合死舞鬟樓。剗地箋飛蝴蝶館。凌亂銀豪翻出小梁州。醉  
問藍雞橋下去。何處來朝欲市翠筵篋。

其年少作好用僻事  
而風致瑤艷絕無馬

頭安角  
之病

金蕉葉

陳後主

呂 陽

曾聽玉樹鸚歌未。君王攘袂中常侍。一苑桃花兩行金粉爭。如  
婢。且與侍兒角技。臨春狎客多情思。應難敵孔妃張嬖。北掖  
門前韓擒虎。執戈相伺莫是御樓百戲。

阮亭云三十六封書使人怨絕若看到迷

樓一炬王不必爲黃奴麗華多憾也

蘇幕遮 第二體

湖舫送春

龔鼎孳

粉香城歌舞地。明月今宵偏照雙峰翠。一夜碧蟾涼似水。爲送  
春歸。特到紅窗外。五更愁千疊。思對月端詳。不許垂楊睡。珠  
箔檀肩長共倚。斷鼓零簫。迸入留春淚。

阮亭云末句似何人夜吹笛風急雨冥冥

急管繁絃  
非復常調

春曉

李 雯

花影深。簾額重。斗帳微寒。一枕香雲擁。何事起來常惜忪。綉被  
紅翻。顛倒思前夢。畫樓高。香幕迴。千萬垂楊。又被東風送。門  
外鶯啼芳草動。獨自閒。奩檢點。銀頭鳳。  
紫曲迷香綠窗  
夢月無此雅秀

咏枕

翠屏高。羅帳小。半鎖香雲。自共愁人倒。一幅瀟湘圖未了。斜倚  
金鈿。夜夜巫山曉。鳳釵寒。蓮漏悄。獨自溫存。只索和衣抱。夢  
到君邊。常草草。幾度香銷。更有誰知道。  
夢到君邊常草草以  
之咏枕直是神到

前題

宋徵輿

遠山邊秋水側玉腕多情傳出春消息漸漸看來雙影逼無計  
支持借盡香雲力也曾經紅淚濕伴着愁人對面捱時刻幾  
度拋他拋不得夜夜安眠今夜偏歛仄

末三語卽宋人枕頭  
兒放處都不是之意

但雅致自  
耐思味

### 咏香

曹爾堪

麝芳臍烹瑞腦染着衫襟緊伴人昏曉一點檀心難索討夢醒  
更深越覺添煩惱潤能薰潮頓燥著定宮闈蘭麝宜頻擣縷  
縷微烟纏不了透盡孤眠誰更知他好

披香殿中採香徑昨  
當以此補香嚴三昧

### 咏烟

凌斗垣

鎖青山籠翠柳隔樹依微野望千村有榆火新生寒食後一縷

輕盈慣逐東風走。五侯家曾散否。遮斷行人望裏頻回首。薄暮漁舟逃渡口。寶鴨香焚常染纖纖手。

咏物不如李朱之無迹其精妥處直欲雁

史行姜

夢懷

徐 階

晚花天寒草地。山色空青青裏。翻成翠人似伊人秋似水。孤鶴歸來立在荒烟外。慘香魂消艷思。皎月無情自伴鴛鴦睡。六曲欄杆何處倚。竹近瀟湘怕有湘君淚。

純是一派夢境曲終人不見江上數峯青

彷彿似之

同香巖晚發平原

魏允枚

隴頭雲坡上雪。風掃枯楊滿地堆黃葉。共對孤燈宵漏咽。一枕

寒雞叫斷荒村月。

旅魂消。鄉思折。夢杳家山。塞草連天。潤野

燒熒熒。光未滅。緩控金羈。前路霜蹄滑。

雞聲茅店月。人跡板橋霜。曉景凄清在目。

咏枕

陳維崧

月華清。花露香。一角紅綿。裴疊風情好。慣是得人憐惜。早紅袖  
支持。縷縷香雲裊。鳳釵輕蟬。鬢情付與啼痕。此際情多少。翠  
帳淒清。天欲曉。夜夜溫存。消受愁人抱。

阮亭云一角紅綿何其艷異。

春日郊行

孫復煒

老紅稀。新綠暗。一望郊原。幾樹鶯聲喚。行到水窮山路換。踏破  
閒雲。過坂橋東畔。野人家。疎竹岸。高捲青帘。不滿東風半。傾  
倒春醅沉醉判。笑指歸程。正斜陽零亂。

阮亭云妙句自盡。日靈風不滿旗出。

婁江寄家信作

彭孫適

柳花風榆莢雨試問春光去也何匆遽紅波飄零千萬樹縱有黃鶯啼到無聲處旅顏殘歸計誤日日尋思臨別叮嚀語欲倩文鱗傳尺素婁水無情不肯西流去

阮亭云黃鶯啼到無聲處盡情語無以復

加每一讀之  
令人意盡

桃葉渡用舊韻

鄧漢儀

小姑居江總宅書檠蘭橈有个人香翠小膽柔腸輕渡水故故銷魂郎語烟波外想風流添遠思幾處兒家穩看鸚哥睡休

把雕闌終日倚一派秦淮半是南朝淚

常讀神仙傳有云大海中水半是吾宿世

父母妻子別泣之淚以爲謫誕讀此遂確似情理所  
有阮亭云與合肥流水青山送六朝同一悲淚

索香

董以寧

熟龍涎。紫鴨篆。小袖微籠。心字春衫暖。還恐驟烟吹隔苑。微濕。暮九許久。燒纔半。爲兒郎。述別院。索得宮香。纖手拈來顫。一點心腸終是軟。拜月還求薄倖心兒轉。

從香說到拜月  
咏物真著落處

送春

袁 堦

病侵僂。愁爲汝。一陣東風又捲湘簾幕。枝上餘香纔幾許。芳草天涯。腸斷紅蘭渡。翠屏深。金屋護。百計尋思。那解春難住。茫。茫欲覓春歸處。今歲春歸明歲春來路。

明歲再來何似今朝  
莫去不若此語有情

記艷

楊大鶴

惜花紅。嗔柳綠。掩映湘簾訝許人如玉。捲翠幙淺粧新沐。袖拂



菱花斜領湘裙幅。鬢雙垂腰一束。渾不勝衣漫說鮫綃薄約。

數年華應十六顰顰偷傳驚避銀屏曲。  
九臯為陶雲難弟年未及終童而才情綺

逸偶作小詞亦不減

晏小山酒灑羅扇也

寒食

錢 璽

杏花天。梅子雨。雞黍年年花點孤山墓。不信杜鵑腸斷處。青草

寒烟還有人來去。春腰尾人朝暮。絳索簾垂睡到高樓午。欲

放海棠春不許。小小紅妝那禁蒙頭霧。

幽態 盈懷

丙戌過南曲作

鄒祇謨

沈真真。蘇小小。舊日知名今日餘。多少花史新編誰氏了。為問

青。衣。可。有。迦。陵。鳥。閉門羹。護門草。碧瑣紅橋未許。何郎到流

水無聲長自遶。幾朵芙蓉。獨耐秋霜老。遶陵島西方傳言之鳥

下等客護門草山常

阮亭云如此人何啻漢武帝朱鳥牖

山人過者則叱之。中見耶○此乃程邈少作存之以見

一斑

### 答索香

鵲爐溫。龍餅熱。小盒緘來。中有雙銀葉。慢火應將心字炙。化作

鴛鴦烟裏。隨風結。向花陰燈影滅。再解羅巾。猶剩沉檀屑。荀

令薰香香未徹。寄語紅樓。莫放餘烟歇。

阮亭云歡爲沉水烟  
儂作博山爐煩簡各

妙

### 舟泊滄州拈舊韻

木蘭舟。楊柳樹。兩不關情。挽宿山天暮。更有上流春草渡。暗笑

行人何事頻來去。往來人南北。路水宿風餐。半被京華誤。驀

憶江南。烟月處。按拍傳觴。不管城頭曙。

阮亭云。僕過滄州有詩云。落日看春草。鄉

愁積漸。生河干。新柳色碧過

州。今城。中。今滄州古名也。

破陣子 一名十拍子

寄南屏印公

王屋

二十年來湖上。都無老子行蹤。不識斷橋橋下水。不識孤山山  
頂松。與先同不同。便擬一瓢從汝。往來南北高峰。看徧西谿  
梅與竹。聽徧東林磬。與鐘。洗將塵土容。

阮亭云似

向子諲

遠眺

徐允貞

萬里孤峯匝地。一灣新月如鉤。點點寒鴉爭晚樹。片片輕帆落

遠洲黃昏猶倚樓。暮雨又歸南浦。潮聲驚滿長楸。玉笛祇悲  
征客夢。小艇纔聞漁父。謳風吹無限愁。  
秀貼

青杏兒 一名似娘兒 又攤破南鄉子 攤破醜奴兒

秋恨

單恂

簷角晚風颺。心情嬾閒倚危樓。木樨花外蟾高矣。當初偎並而  
今獨自提起從頭。打疊小香篝。黃昏了。薰甚衾裯。床頭蟋蟀  
簾邊葉。一聲幽怨。兩聲淒切。又做些愁。  
阮亭云當初偎並而今獨自提起從頭三

語斷非清照不能  
然是尊僧別調

落燈風

夜景

袁李渭

漏滴銅龍心乍省。紫苔紅杜吹烟冷。窗下惜春陰。碧缸裏餘花  
弄影。鸚鵡驚初醒。龍團又試紅紗茗。煮新芽。翠濤浮鼎。態好  
是天斜啓。香篆晚粧慵整。閒倚闌干等。

文彩鮮明自然  
有舒蹙之勢

鳳啣盃

美人畫眉

毛楠

獨倚粧樓頻頻看。圖新月一彎堪羨。學畫入時眉。青螺兩點春  
山遠。笑問傍人深淺。碧尖長翠峯軟。如鈎嬌襯桃花面。又玉  
鏡高懸倩檀郎彩毫斜展。重把黛蛾勾遍。

粧罷低聲問夫婿  
畫眉深淺入時無

勾染入詞便如絳  
仙螺黛獨見秀色

醉春風

一名怨東風

春思

吳偉業

門外青驄騎。山外斜陽樹。蕭郎何事苦思歸。去去去。燕子無情。  
落花多恨。一天憔悴。私語牽衣淚。醉眼偎人覷。今宵微雨怯。  
春愁恁。恁。笑整鸞衾重添香獸。別離還未。

祭酒又有詞云  
燈前纔一笑。偷

解研羅裙風情不減知  
司馬君實詞亦非假托

眼底桃花媚。羅襪勾人處。四肢紅玉軟。無言醉。醉。醉。小閣迴廊。  
玉壺茶煖。水沉香細。重整蘭膏膩。偷解羅襦繫。知心侍女下。  
簾鉤睡。睡。睡。皓腕頻移。雲鬟低擁。羞眸斜睨。  
阮亭云後段是  
一幅周昉仕女  
圖也

春睡

朱 諶

院落梨雲冷。人在鮫綃境。綠窗深鎖繡床閒。靜靜靜。畫板鞦韆。  
綵繩搖曳。半闌花影。起向菱波省。雲鬢低徊整。花間撲檄。一  
雙鶯。聽聽聽。剗下香堦拾。九金彈。笑聲僥倖。

入馬浩瀾花影  
集中故應無辨

吳陵送春

王士禎

一霎瀟瀟雨。忽報春將暮。謝家飛絮沈郎錢。去去去。萬點紅中。  
五更風裏春歸何處。畫舫桃花渡。寶馬游絲路。眼前還是未  
殘春。住住住。明歲今朝今年明日。此情休負。沈郎錢 明歲今  
榆錢也 朝今年

解佩令 第一體

李天根花燭

徐士俊

青禽畫舸紅冰仙果。煖情懷圓屏爐火兩點。山盟顰出筆痕尖。  
鎖最宜人鏡臺傍躲。才華成夥風華成朵。珮環聲一時笑瑳。  
百歲歡娛掛在月鈎窗左。怕人傳夜寒衫袂。

絕妙催粧詞

風中柳 第一體 一名玉蓮花

茗帚菴作

陳繼儒

燕燕于飛。補葺舊巢堪宿。草菴寬何須華屋。水兒一曲。山兒一  
幅。畫中人鬚眉皆綠。柱杖敲門有客來看修竹。但家懷園蔬  
野蔌。菊花酒足松花飯熟。日三竿受些清福。

阮亭云每讀徵君詞輒作羲皇

上人  
之想

用劉靜修韻寄友

曹爾堪



欲問高人久矣。寄情巖谷。問喪殯。閉門常足。呼童洗竹。艤船尋  
菊。有餘錢。買花葺屋。古樹當廬。常照襟裾。生綠。慣樓禽。日來  
尤熟。歌聲類曲。岳聲類筑。筭詩。才是今名宿。

和劉靜修作  
形神俱似

### 酤相思

卽懷用程書舟韻

支如玉

新柳月痕初欲墜。恨春鳥催人起。想星前舊諾。如何是。欲任也。  
留無計。欲去也。來無計。印舊添新衣。上淚。左右拚憔悴。問深  
院桃花開徧未。人遠也。書忘寄。春盡也。愁難寄。

語意多與書  
舟同末句更

能沉  
切

### 春閨

毛 蕃

一院東風纔報曉。綠窗外春光早。怎游子經年音信少。相對也。梅花好。相對也。梨花好。細雨孤燈殘夢香。無數離情繞。看雛燕。嬌鶯愁不了。又只見榆錢小。又只見荷錢小。

梅花梨花榆錢荷錢卽物

感時情  
景融合

### 品令

客有以新茗見餉者。用山谷咏茶原韻。龔鼎孳

小啜過龍餅。看香色真清。另寒泉玉淨。淡烟寫月。乳花微瑩。天外金莖消得。長卿渴病。雁魚程永。落花日多愁境。甚風吹到。故園一片青山弄影。有底相關。空博萬種思省。

甚風吹到數語比山谷口

不能言。心下快活。自省又叫絕無數也。

○阮亭云。作雅語。易用俚語。難可爲知者道。

芭蕉雨

本意

董以寧

深鎖綠天小院。柰心兒已是如他捲。添得雨聲厮亂。試問與妾何干。將愁共判。嬾着肩兒一半。凭向曲欄畔。憶粉郎今夜。瀟湘遠。還再問。可曾知。須把妾處移將。郎邊種滿。

阮亭云。文心亦曲如蕉心。

淡黃柳

挽垂楊作同心結

錢化洪

堤邊池上一帶黃金陌。爲傍珠樓銀蒜側。故做舞腰搖曳。向枝間微揜翠袖。輕輕折。繡鳳香泥濕。奈忽見青青色。聽啼鶯獨對風前立。試綰同心愛他嬾娜。移向瑤琴錦瑟。

殊覺此柳可愛。

聲聲令

舟泊故城縣作

鄒祗謨

收將殘照。襯作飛霞。征帆千尺向歸鴉。思親萬里。望故苑。被雲遮。聽風外。城頭鼓。擗。身在異鄉。爲逐客。恨天涯。數行綠樹。罩黃沙。彈丸黑子。因戰後。長荒葭。空留得。三兩人家。阮亭云可備風俗志

風中柳

第二體

與謝池春同

又賣花聲第二體

復聞渡江泊京口用孫夫人閨情韻

龔鼎孳

天半峰青。遮定玉帷花。惱捧珠屏。依然碧草。過江心事。罵飛鴻。難告。問東風。可曾知道。兩點金焦。看遍淺。嘆微笑。送粉絲春潮。漸杳。黃昏。纔慣信。羅衣寬。蚤又禁得。杜鵑聲老。神艷處都無常語

閨情

李長苞

瘦盡蠻腰更怨却誰辜負就春光如何消受。強支羅帳待醒來  
仍又倩東君問郎知否。堪怪呢喃偏向離人穿牖。小風情依  
然斷守無端長嘆是處煩烏日要搖動天涯楊柳。  
抑揚纖楚  
備極悽怨

是竹西擅勝處。阮亭云吳陵道中斜陽緩棹  
讀此詞忽憶與竹西酬倡都門匆匆五年矣

春恨

陳增新

紫燕來時怎奈一春風雨恨東君無緣作主夢迴孤枕驀地紫  
愁緒剔殘燈倚闌無語。薄倖征人終歲羈留何處問歸期金  
錢莫據腰肢消損把年華空度倩子規早催歸去。  
阮亭云憶  
子更寄子

詩云歌吹竹西攜手夕州波瓜步論心時自是  
官衙相逐成千古每把遺文不勝人琴之感

立春日平原道上作

彭孫適

芳甸青旗山縣迎春時候。無端獨向風塵走。去年今日酒重沾。  
衣袖。簾幙捲花封如繡。迢遞家園。景色還應依舊。高樓不展。  
橫雲皺。重門深掩。鵲腦。飲金獸。怕春來更添消瘦。十眉圖有。  
作艷詞至金粟。情景兼至字字清麗。一語之工能生百媚。不僅作六朝金粉也。

離別

槐樹陰濃小院晚。涼時節。別離可奈腸如結。歌喉輕轉。聽唱陽  
關徹。情脉脉。幾回嗚咽。細語叮嚀道。且自消停。這歇燈火高  
城更未絕。殘粧重整。送向門前。別拚今宵爲伊啼血。道字換  
頭。

以下逼真宋詞神品。○阮亭云。僕常戲謂彭十是艷情專家。駁孫輒慊然不受。試以此舉似他人。得不云吾從衆邪。

迎春偶作

湯原清

玉瑄辛盤。恰見芳風。纔動向東郊。暗將寒送。珠簾夾道。是處香  
塵。閃。炫。亭臺綺羅爭湧。何事關情。惱殺東家小。宋暈殘紅。粉  
腮凝凍。青樓十二。愛整釵頭鳳。撥檀槽。行春低誦。

卽景遣詞  
自然風致

可與屠四明王山

陰諸竹枝並咏

本意

董衡

綠水輕颿。吹透黃金千縷。怯微寒。依依南浦。殘烟羅歷玉笛和  
鶯語。傍粧樓。纖腰低舞。長是消魂情。盡橋邊人去。繫蘭舟暗

添紅雨。三眠乍起。見栖鴉無數。慣飄搖。露堤霜渚。楊柳一名銷  
魂樹。情盡橋

卽灞陵

阮亭云。白玉蟾所謂太微宮中垂

橋也

垂長。最于淡烟疎雨之間者也

愁

凌如升

無限春愁。縈繞心頭。眉角對韶光。轉添寂寞。淚彈紅茜。是處來情。惡奈楊花。亂穿簾幕。樹底啼鶯。不管離人。蕭索一聲聲。向誰啼着。爲伊憔悴。漸帶圍寬。却最難禁。夢魂飄泊。  
怨楊花又怨啼鶯所

謂感時花灑淚恨別鳥驚心必謂花鳥怡情吾不信也

行香子

送別

葛一龍

柰此花晨。相送情親。更兼風雨到西隣。滴殘紅淚。飛盡香塵。剩幾多愁。幾多酒。幾多春。淹留客。越憔悴。游秦久已厭車蹄。馬輪不堪回首。渡口江濱。正草萋萋。烟漠漠。水鱗鱗。  
震父三幾多與次仲



之三些龍洲之三似子野之三  
中義仍之三許多幾無分別

避暑卽事

梁雲構

小徑通幽竹蔭寒流過我者客有羊求清尊對酌桑翰閒抽問  
是青田是白社是丹丘世事浮漚名利蝸牛笑人情射覆藏  
釣閉門調鶴倚檻觀條且踏東臯詢南畝課西疇

侍卽此調  
數首蕭閒

真適率如宋謙久別十  
竄諸賢自是南宋別調

拂屋水濱喜而賦此

曹爾堪

小小疎椽碧水經前每臨溪匹練虹牽蒹葭十畝儘受荒烟有  
采菱棹沽酒渡釣魚船野漲無邊樹影森然數游鱗傍岸流  
連更誰貌得晉唐宋間請傾長康吳道子李龍眠

阮亭云喜  
無殘客

詠薰籠

徐遵湯

篆。裊。烟。勻。百。和。續。紛。纖。纖。荀。輕。溫。湘。筠。暫。拋。覺。忍。長。抱。如。新。且。  
半。薰。被。半。薰。袖。半。薰。裙。繡。床。斜。倚。漫。喜。生。春。動。霜。鐘。寒。色。肌。  
皴。侍。兒。守。火。伴。送。黃。昏。只。任。他。燼。任。他。續。任。他。溫。  
無。泛。句。○仲昭澄江名士年至期願以裙膝詞  
相寄重簡此作不勝張子野東吳老人之感也

咏物至此  
無剩思亦

溪上卽事

錢士賁

桃。浪。溶。溶。絲。裊。晴。空。盟。鷗。處。獨。自。携。筇。春。衣。催。浣。試。付。奚。童。見。  
苔。痕。染。酒。痕。漬。墨。痕。濃。水。流。雲。去。相。看。無。盡。愛。吾。廬。近。隔。谿。

東。晚。厨。烟。翠。歸。步。從。容。有。柴。桑。柳。鰲。川。杏。灤。西。松。

李習之山  
居目松森

落。昂。藏。似。孔。北。海。榆。深。窳。紆。盤。似。管。幼。安。杉。豐。腴。秀。澤。似。謝。  
安。石。栢。奇。峻。堅。瘦。似。李。元。禮。讀。此。詞。覺。五。柳。七。松。備。有。其。勝。

解佩令 第二體

月

劉榮嗣

秋晴也。惱秋陰也。惱見秋月當頭也。惱月色如水。却湊着霜天。  
寒峭。怎耐他夜長難曉。征途也。惱邊城也。惱都不似羈人更。  
惱如此澄暉。不解把煩魂垂照。只解將催人速老。  
少陵春花  
工迸淚秋  
月解傷神。司空痛切言之。抵得  
楚騷數篇。不須更作天問矣。

偶贈

卓人月

時惟上巳同人爲溱洧之遊。夜正初寅。有女解瀟湘之佩。  
對三星而適願。偶與和偕。指五日以爲期。啼隨笑至此。美  
人者蓋越席之王。嬌彼子都兮。則  
題紅之傾。况間之一朵。賦得二章。

桃叶蕙畝。花殷葉黦。正深春鳥鳴。求牡神女。凌波瞞却了。牆城。

王母笑無端。狡童相誘。前于後。偶飛觴。鼓缶拊香肌。不能留。  
手暗贈。蠟珠明白。是啼痕。清瀏好收藏。莫教珠走。  
險韻。嶙峋。逸思。激灑。

故是月

中人語

春花萬朵。佳人一舸。驀相逢。冶郎真可欲。致區區。衣帶上明珠。  
如火擲。將來聊當潘果。低歌青瑣。頻斟白墮。小香付只思。欹  
蟬換服。移粧辨不出。雌雄他我。一雙兒。巧鶯同坐。  
阮亭云。此等處是蓋。

淵才情獨絕

人不易及

茗中雨歸

徐士俊

山橫雲阻。溪平浪舞。恰裝來一船清苦。細雨紛紛。記得起清明。  
前路。喚舟人急。搖雙艣。披衣寒阻。推蓬風許。小爐中水沉香。

吐遠樹微微恍惚是桃源迷渡但閒將落花偷數

常見黃子久畫富春

山園風景蕭瀟絨畫精妍讀野君此詞又似春雨歸舟一幅好景

秋夜聞蟋蟀

倪晉

更移銀漏月懸玉杵一聲聲霜前私語說甚來由剛驚斷天涯  
幽夢又催成閨中愁緒情深如訴恨長難敘費清吟夜涼庭

宇汝自悲秋偏向着小窗縷縷最堪憐暗風疎雨

賀黃公評姜白石賦

蟋蟀詞云蟋蟀無可言而言聽蟋蟀者是詞家善形容處此詞又從聽蟋蟀者下翻案是詞家進步法莫謂今人工不如昔也

賦余氏女子繡洛神圖

多一字

王士禛

芝田蘅薄明珠翠羽想當年洛水淩波步尚憶君王留怨種枕

遺金縷爲多情。遲君東路。神人間阻。神光離合。空招悵斜陽。

烟樹。今日東阿也。鄴下風流終古。最傷心。感甄遺賦。

用洛神賦中語

人詞亦有神光離合之意

### 錦纏道

春閨

陳昌

綺陌香濃。小閨懨懨。長畫看平蕪。天光如繡。垂楊搖曳。寒烟透。  
點點飛花。吹入輕紅袖。正軟風好景。漫携纖手。桃腮紅暈春。  
依舊問。侍兒何處。鞦韆道。畫欄東去。海棠花下有。  
阮亭云宛然草堂風致

書所見索張弓民畫

宗元鼎

一徑濃陰遙望渚田百畝。又暮見採桑少婦。軟風着意。軟楊柳。  
雨雨晴晴。能畫斜陽否。過流水橋西。一灣漁畝。鼓吹聲池蛙。  
雙部草堂前。鶴髮山翁把園棋對奕。童子閒扇酒。府平阮亭  
語已是全副畫意。宗氏兄弟皆工繪事。政未知少文撫琴動操時有此胸中丘壑不

鳳凰閣

閣中

董以寧

記桃花時節。携登香閣。小婢呼茶。出蓮幕。縱是愁難細說。說來  
防錯抵多少。眼酬眉醉。生怕人疑。故向窗前倚着。早見桃花  
已零落。妾命郎情。只恐似他都薄。便無語。臨風蕭索。  
眼酬眉醉四字

新艷欲絕。妾命郎情。映發巧妙。宋人閣筆矣。○此  
等俱文友近作。縱橫變宕。處直有假。師化人之技。

十二卷終